

Eugene Maduro PR D.O.T: Entre 2013 y Januari 2014 tin notifica 752 caso di Dengue di cual 16 porciento ta confirma

ORANJESTAD (AAN) – Diahuebs mainta a tuma lugar den Departamento di Salubridad Publico, un conferencia di prensa pa informa nos pueblo tocante e situacion di Dengue na Aruba y Chikungunya den nos region, y tres posible caso importa na Aruba.

E miembronan di e Dengue Outbreak Team (D.O.T) a hiba palabra. Nan ta sr. Eugene Maduro, PR di e grupo aki, sra. Maribel Tromp, Hefe di Departamento di Epidemiologia, Lativa Mercera di Seccion di Malesa Contagioso, sr. Clayton Croes, director interino di GKMB, y dr. Wilmer Salazar di Management Team di Salubridad Publico.

Na prome lugar, señor Eugene Maduro a duna un descripcion breve di e situacion di Dengue na Aruba.

El a duna cifranan preliminar pasobra ainda nan falta datonan pa compila. Durante aña 2013 te e momentonan aki, tin un total di 752 caso cu a wordo notifica na Seccion di Malesa Contagioso, di cual 16 porciento ta casonan confirma di ta infeccion di dengue. Pero no tin un resultado definitivo ainda pa motibo cu of e departamento no ta haya e fecha di prome dia di sintoma notifica, of pasobra tin pacientnan cu ta bay haci test di sanger mucho lihe, sin cu por constata si realmente ta dengue of no.

Un dato cu particular ta cu tin mas hende muher registra cu dengue cu hende homber, y e categoria di edad mas afecta ta entre 25 pa 64 aña. Mas cu 60 porciento di e casonan registra ta personanan cu a haya dengue den pasado caba, locual ta hisa nan riesgo di haya dengue hemoragico.

Pa loke ta trata aña 2014 tin 27 caso notifica te aworaki, di cual 15 porciento (di siete pa ocho caso) ta confirma. Ainda Departamento di Salud ta pendiente di haya mas informacion tocante e registracion di e casonan.

Señor Maduro a agrega cu e barionan mas afecta cu dengue na aña 2013 tabata Noord y Santa Cruz y awor na inicio di 2014 ta e barionan di Paradera y Distrito di Santa Cruz.

Tambe den e cifra di 2014, hende muher ta esun di mas afecta pa e virus y categoria di edad tampoco ta cambia.



Dia di Betico

25 di Januari

Auto-Determinacion

1. E acto of derecho di un persona di por dicidi pa su mesico pa haci, sin influencia externo
2. E derecho di un pueblo pa por dicidi su propio status politico of forma di gobernacion.

G.F. Betico Croes

1. Arubiano.
2. Lider di lucha pa Aruba su Status Aparte den Reino Hulandes.

Caribbean Mercantile Bank N.V. ta desea pueblo di Aruba un feliz **Dia di Betico**.

